

COMUN: Al vëgn formé na gradatōra por l'assegnaziun de terac da fabriché tl Comun da San Martin. I interessá mëss dé jō la domanda te comun cina ai 29.09.2017. Formulars y informaziuns é da ciafé tl secretariat de comun.

PLOANIES DA SAN MARTIN Y LUNGIARÜ

Le Grup Decanal y i grups di jogn dla Val Badia organisëia l'**edema di jogn** dai 27 d'agost ai 2 de setëmber cun chësc program:

Domënia ai 27/8 dales 11.00 a Lungiarü (plan dla segra): mëssa rock de daurida, festa de paisc y incuntada di grups musical di jogn dla Val Badia
Lönesc ai 28/8 dales 19.00 a Al Plan (chidlara Roncac): torné da chidlé
Mertesc ai 29/8 dales 19.30 a S. Ciascian (ciamp da sauron): torné de beachvolley y griliada (iscriziuns online cina ai 27/8 sot al link: <http://bit.ly/2u9BUps>)
Mercui ai 30/8 dales 19.30 a S. Martin (Istitut Ladin): torné de batadú (iscriziuns cina ai 29.8 tres e-mail a: costalunga.tobias@gmail.com)
Jöbia ai 31/8 dales 20.00 a La Val (palestra): sêra da bal cun Enrico
Vëndres al 01/9 dales 20.00 a Badia (paiun): Summerend Concert
Sabeda ai 02/9 dales 3.00 da Oies: prozesciun a Porsenú do les pedies de S. Ujöp Fr. (info y prenotaziuns tl Sorvisc ai Jogn 0474 523 070 cina ai 30/8).

La Uniun dles Êres Catoliches inviëia ala preparaziun dl bato en sabeda, ai 09 de setëmber (nia ai 16) a La Val tl salf dles manifestaziuns, dales 15.00 ales 17.00. Prenotaziuns 328/0717796. Proscima data ai 11 de novëmber a San Ciascian!

Sêra d'informaziun ai 04 de setëmber dales 19.30 tla calonia da La Ila cun Michaela de Beyer sura n curs dal titul "To corp y l'amur" tla cornisc de nosta fede catolica. Informaziuns pro Renate Pescolderung 338 13 00 787 o por mail peter@doleda.it.

SAN MARTIN: I ti dijun bel dilan ai omi che á sié tan bel la cortina! – *Le Ploan*

I jogn da San Martin inviëia la jonëza en ocasiun dl "Edema di jogn" en mercui ai 30 d'agost al torné de batadú dales 19.30 tl Istitut Ladin. Iscriziuns cina ai 29/08 da misdê tres email a: costalunga.tobias@gmail.com

LUNGIARÜ: La Uniun di Seniors da Lungiarü organisëia n curs da fá cripeles cun Heinz Erardi da Feldthurns. Pröma incuntada de informaziun ai 2 de setëmber dales 15.00; prenotaziuns pro Annelies 0474 590 067 o 346 35 87 173

Lönesc ai 28/08 dales 21.00: diashow de Carlo Dapoz tl salf stödafüch a S. Martin

L'Uniun dl sport da San Martin lascia al savëi che en dedolönesc ai 29 d'agost dales 17.30 mët man tl ciamp dl sport sintetich Pradel i alenamënc de palé (nia partides). I mituns/mitans dai 5 ai 8 agn dl Comun da San Martin de Tor che süga ion o oress ma gni a porvé é dër bel inviá. I alenamënc gnarä tignis vigni dedolönesc y jöbia dales 17.30 ales 18.30. Por deplü informaziuns cherdé sô Maria: 339 62 1 1647

Döt le bun a chi che complësc i agn de setëmber

a San Martin: Fr. Felix Ploner che nen complësc 87 ai 5
Maria Fiung-Rives che nen complësc 81 ai 19
Maria Grünfelder-Flöss che nen complësc 88 ai 20
Stina Bioc-Clara che nen complësc 80 ai 23

a Lungiarü: Paul Clara che nen complësc 85 ai 6
Regina Daporta-Mischi che nen complësc 92 ai 12
Albina Pezzei-Mischi che nen complësc 82 ai 20



www.unitepastorala.org

Plata dles Ploanies San Martin y Lungiarü

siur Iaco Ploner 3334832765/0474453003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

27.08.17 – 03.09.17 nr. 40

termo da publiché: jöbia 20.00
radio: 90,40 / 93,70

21^a DOMËNIA IA POR L'ANN A

Vangele: Matî 16,13-20

Gejü á damané sü discepu: Os indere, por chë m'aratëise pa os?

Scimun Pire à respognü: Tö es le Messia, le Fi dl Dî vi!

Gejü ti à dit: Beât este tö, Scimun Bariöna;
deache nia cern y sanch ne t'á revelè chësc,
mo mi Pere tl cil.

Iö indere te diji: Tö es Pire – la pera –,
sön chësta pera fajarai sô mia dljia,
y les potënzes dl somonn
ne ti sarà nia suracé.

I te darà les tlës dl règn dl cil

„Os indere, por che m'aratëise pa os?“

N chestian, sciöche Gejü, che vir cun cosciënza,
che sá ci ch'al ó y ci ch'al fej y che ti ó bun al Pere tl cil,
ne stá nia n pez a se cruzié: Por che m'arata pa la jënt?
A Gejü ti interessëia deplü: Co l'ëise pa os cun Chël Bel Dî,
co l'ëise pa cun os instësc y ci ves dij pa osta cociënza?

Important n'é nia le baié dla jënt, mo che iö me sintes daite apost:

„Por che arati pa iö Chël Bel Dî y co me comporti pa porchël te mia vita?“

La fede ghira da me ch'i fejes mi compit da credënt.

Le Credo ch'i professëi é pormó complet, sce mia vita passenëia lapró.

Insciö nes damana Gejü plü sot:


„Co s'astilëise pa, nia ma te mi confrunc, mo ti confrunc cun Chël Bel Dî,
ti confrunc cun le monn, ti confrunc cun i atri?“


Porchël orunse ince respogne plü sot:

„En te, Gejü, sintiunse ci ch'al ó dí: Se lascé ite deplëgn sön Chël Bel Dî.

En te podunse conësce chë che Chël Bel Dî é.“

Y sc'i un capí ci che la fede ó da nos, ch'i un le compit da ti sté do al amur,
unse tles mans „les tles dl règn dl cil“.



	SAN MARTIN	LUNGIARÜ	
20.08.17 20ª DOMËNIA - ANN A	9.00 Corona 9.30 Gran Mëssa por la Comunità cun benedisciun dl tëmp dl ann + Monica Vittur Tolpeit	11.00 Gran Mëssa di Jogn y dl paisc de scomenciamënt dl'Edema di Jogn <i>(dan la ütia dles festes)</i> 15.00 Corona tla capela da Seres	 <i>Intenziun dl Papa por le mëis de setëmber 2017</i> I periun por les ploanies <i>I periun che nostes ploanies vëgnes implides dal spirit miscionar, ch'ares sides posc olache la fede vëgn dada inant y olache l'amur dl proscim é da odëi.</i>
28.08.17 Lönesc Agostin, Elmar, Linda			
29.08.17 Dedolönesc Decapitaziun de San Jan, Sabina	19.30 Mëssa + Maria Unterweger + Pepi Deiaco, Larjëi + Mariangel Tavella		
30.08.17 Dedemesaledema Gaudenzia, Rebeca		7.30 Mëssa + Emilia Mischi dl ann + Gabriel Clara, Mair	PORDENANZA – LA TLE DL AMUR 
31.08.17 Jöbia Paulin, Raimund	7.30 Mëssa + Giovanni Tavella + Paul Ferdigg Corona por vocaziuns		
01.09.17 Pröm vëndres Verena, Rut Dé dla Creaziun	Comuniun ai amará 19.00 Adoraziun chîta y confesciuns 19.30 Adoraziun deboriada	7.00 Corona y confesciuns 7.30 Mëssa por les Animes + Vito Clara Comuniun ai amará	
02.09.17 Sabeda Ingrid, Zeno	15.30 Mëssa tla Ciasa Palsa 18.30 Mëssa prefestia de rengraziamënt fam. Albert Moling + Artur Conrater + Francesca Scalmati	20.00 Mëssa prefestia familia de Martin Clara por vis y + + de Rita Clara	<i>Sc'i me stlÿji le cör a me instës, sc'i mini ch'i ne sun nia dëgn che la jënt m'ois bun, spo me dëida la pordenanza. Sc'i pó confidé che Chël Bel Dî m'ó bun sciöch'i sun, me feji plü saurí da m'orëi bun. Y sc'i ti stlÿji mi cör a d'atri deach'i mini, ch'ai ne se mirita nia mi amur, spo me dëida la pordenanza. Sc'i sun arjigné da pordené, se deura mia vita danü.</i>
03.09.17 22ª DOMËNIA - ANN A	9.00 Corona 9.30 Gran Mëssa por la Comunità Festa di Agnui Custodi cun benedisciun dl tëmp	7.55 Corona 8.15 Gran Mëssa por la Comunità Festa di Agnui Custodi cun benedisciun dl tëmp 15.00 Corona tla capela da Seres	